

**ORATIO EX
TEMPORE HABITA,
A FRATRE PETRO
PAULO DE VALLE
ROM...**

Roma, Pietro Paolo Della Valle



AD S. D. N.

SIXTVM QVINTVM

PONT. MAX.

S. P. Q. R.



ROMAE,

A. Pauli Pontificis Max. Imperialis Cancellarii
M. D. C.

ORATIO EX TEMPORE HABITA,

a Fratre Petro Paulo de Valle Rom. ord. min.

S. Francisci de obs. Theologo Illustris-

simi & Reuerendissimi D. Afcanij

S.R.E. Cardinalis Columnę,

ac sacre Theologię

Lectore;

Apud Almę Urbis Celebre Templum Sanctę Marię de

Araceli, mandante & astante Senatũ

Populoq. Romano,

In die quo vltimo lapide supraposito, admirandus Tholus Aposto-

lorum Principum, cum vniuersali Urbis leti-

tia fuit absolutus.



N. (Quirites?) finis tantum à Paren-

tibus exoptatus, en commune dictum

in prouerbiũ à vobis receptum ex-

tinctum; dum desperatum factum, lin-

guę calamo in simplicissimorum au-

ribus scribebatis; tunc dicendo huius erit rei fi-

nis, cum in alta mole aram Apostolorum Principum coronante, vltimam petram repositam quis

aspiciet? Et en nunc nunc hanc mihi prouinciam

demandatam, vt hilari fronte, sereno vultu, voce

tonante, Senatũ, Populũq. Romanũ, Roma-

no more, moribusq. Priscorum præstantem, sibi

gaudere, Sixto gratulari, & Deo gratias referre,

pronunciem, quod vltimam ostendat hodie nostris

oculis supra altissimũ Tholũ repositam pe-

tram; quę quanto sicca, tanto præceteris in oratio-

nis pompa illustratis, attentiores reddit auditores?
Verum sicca etiam Orphei imagine laureata erat
petra, & humidissima, repentino oculorum ictu
Alexandri Magni percussa, sue maiestati se obtu-
lit; factum non temere, nec inconfulto numine,
Aristandez Sacerdote augurante, Nam iure opti-
mo fit, vt qui inaudita gessit, mirabilia fecit, incre-
dibilia est operatus, incredibili, mirabili & inau-
dito conatu, antiquitatum iactatores conarentur
facta & gesta posteritati celebrare. Sed nunquid
Orpheus ego? num petra Orphei figuram gerens?
num Alexandri vos Senatores? num ex sicco fasso
humidissimos fontes expectatis? Equidem negabit
nullus; immo fidem nō quis suam prodeat, conten-
det quidem, me petram esse, Petri cum sim nomi-
ne signatus, vosque Alexandros, Alexandri to-
gis togatos, & quantus pauid, formido, tremor,
titubatio, animi pulsatio & sudoris abundantia
abundauit in frigida, siccaq. Orphei petra, tan-
tus superabundat in ista Petri Petra, cum de sicca
ultima, eleuata hodie supra cacumina montium
petra, humidissimas eloquentie aquas vestro aper-
to aurium ori inducere conabor, compensabunt
tamen omnem meam dicendi vim pia vestrum
laures, quas prastandas spero, dum digito potius
aliquo Priscorum facta monstrabo, quam singula
ad vnguē penicillo exprimam. Voluat igitur,
voluat, quin? reuoluat antiquarius qui se iactarit,
accerrimusq. rerum aestimator vetustatis & primo-
ribus

ribus ædificamentis; excitet Romanorum præ-
 clare gesta; ad propellenda petulantium, infesto-
 rumq; hostium tela, quibus Rempublicam ne dum
 adoriebantur & oppugnabant, sed omnino euer-
 tere machinabantur, Perquirat Imperia, Regna,
 Prouincias, Ciuitates, Castra & Oppida, solo nō-
 mine Romano fortitudinis veste induto, humiliata,
 victa, vineta & subiugata: Enumeret digito, (si pla-
 cet) Herculi primam aram ab Euandro in foro Boa-
 rio extructam, Tarquinij superbi Templum Ioui
 ædificatum, ædem Mercurio dedicatam, domum
 Fortunæ consecratam, ædificium Iunoni oblatum,
 Obeliscos quadraginta duos minores, octouē maio-
 res, Remigium multitudine leuib; Neptuni Ro-
 tis ex Ægypto ad Imperatorum memoriam poste-
 ritati perpetuo conseruandam inuectos, Theatra,
 Circos, Trophæa, Pyramides, Columnas, & innu-
 mēra alia, quæ ipsa ruta, ac cæsa Romam veterem
 spirant, tanquam scintillæ Priscorum splendorēs
 emittunt, & veluti ossa in campo dispersa magnæ
 matris (Romam dico) prædicant ignaris: Addat,
 addat etiam Titi Amphitheatrum, Caueam, Arcē-
 nam, vel (vt moderno nōmine vtar) Colosseum; cū-
 ius Architectura animos admirando cibat, sed non
 replet; satiat tamen Tholus in honorem Principum
 Apostolorum à Iulio II. primā fundante petram in-
 ceptus, Leone X. Adriano VI. Clemente VII. Pau-
 lo III. Iulio III. Marcello II. Paulo IV. Pio IV. Pio V.
 Gregorio XIII. alijs multis superadditis; & à Sixto

V. Sixti IV. primi fundatoris patruī nomen & amor-
 rem gerente, inenarrabili expenso thesauro, pecu-
 nijsq. minime parcente, ac adiuuante ingenio exi-
 mij nostræ ætatis Architecti Iacobi de porta, in fi-
 nem vltimo hodie reposito lapide redactus. Testis
 sit alta moles, si quis vestrum pedes in fundamentis
 fixit, caput eleuauit, oculos freno nō retinuit; haud
 vltimum hodie ingentem lapidem repositum cer-
 net. Testis sit gētium infinita multitudo laborantiū,
 Testis annorū numerus octuaginta septem, nunquā
 prius à priscis in altero ædificio consumptorum. Te-
 stis longitudo, latitudo, specularumq. multitudo, in
 longū Salomonis templū superans, & testes vos om-
 nes Quirites, diem præceteris hodiernum celebrā-
 tes, luminibus accensis, crematis cupis, volantibus
 radijs, strepitantibus armis, tonante ad bella para-
 to instrumento sonante tuba, phialis, citharis, & in-
 strumentis omnibus, sociante canora voce; gestien-
 tibus pueris, ridente iuuentute, laudante clero,
 psallente religione, & offerente Senatu Populoq.
 Romano. Signa publicæ confessionis talia nun-
 quam legisse, audisse, nec vidisse à Cæsare, facta
 Romæ, Signa quod maiori iure cantanda sunt de
 Sixti, quæ de Cæsaris opere canebat Martialis.

Omnis Cæsareo cedat labor Amphitheatro
 Vnum præ cunctis fama loquatur opus.

Signa si altiora oculis sue prudentiæ Sanctissimus
 Pontifex aspiranda, tentanda, & attingenda, in
 decus, gloriam & honorem Urbis viderit; non mi-

nutos animos habere Quirites Romanos. Hæc fuit
orbis vna ciuitas, & hæc vna erit ab omni aeo in
terris, si in longeuum cōseruabit Altissimus Sixtum.
De septem collibus vmbre iam ceciderant, & se-
ptem ecce restauratos in vno altissimo colle supra
Vaticanum à Sixto firmato. Sed quid dico? latroci-
nia quis sustulit à te Roma? Sixtus. Quis annonæ ca-
ritatem subleuauit? Sixtus. Quis mores emendauit?
Sixtus. Quis vias nouas in Vrbe strauit? Sixtus. Quis
ades Lateranas magnificentissime restituit? Sixtus.
Quis aquas vberes in Urbē induxit? Sixtus. Quis ve-
teres Ecclesiæ caeremonias renouauit? Sixtus. Quis
Deorum statuas e Capitolina turre deiecit? Sixtus.
Quis tēpla situ collabētia, ac pene deserta instaura-
uit? Sixtus. Quis sacella ædificauit? Sixtus. Quis tanta
memoriæ digna penè sepulta, oblita, ac memoriæ
nostræ deperdita resuscitauit, restituit & erexit? Six-
tus. Quis Crucis signum publice ad verā pietatem
religiose spectari mandauit? Sixtus. Quis alta mœ-
nia Romę à Tyrannorum peruersa volūtate defen-
dit, nisi ærariū conseruans auro plenū Sixtus? Quis
tandem quod non fecere mille, fecit vnus, cingens
pretiosa corona principum Apostolorum corpora,
quæ non solum vrbi, sed orbi refulget, nisi Sixtus? &
nimirum, cum hæc sit ab alto reseruata palma Six-
to: Nam fune cincto (sancto inquā Francisco) Vade
repara domum meam quæ illabitur, Altissimus di-
xit. Viuat viuat igitur Sixtus, vt semper viuat Alma
Roma: Conseruet Altissimus Sixtum, vt conserua-
ta,

ta, ac defenſa ſit Roma; non pereat Sixtus, ne pe-
reat ſimul Roma. o ter quaterq. Felix Feliciffime.
Sixte, o qualem ſtatuum, quantamue columnam ti-
bi faciet pro tanto opere Senatus Populusq. Roma-
nus? Hoc vere eſt decus huius Reipublicę. hoc erit
imago quę ſtatim animis repreſentabit urbem il-
lam primam Romę, potetiam non extinctam oſten-
det, contaminata auſpicia ad veros cultus, veramq.
Religionem, tanquam vaſa quę manus rapuere He-
brę translata; omnia. Romana, iugo Chriſti ſubie-
cta, & paruam Petram in montem magnum eleua-
tam, dum catenis primo vinctum, in carcerem du-
ctum, detentum, & à cruento Nerone necatum Pe-
trum, in mentem pia mens reuocabit; & nunc tam
excellſa corona humiliſſima oſſa coronata, qua,
nunquam ſuperba ceruix Neronis fuit; at ne in Ne-
ſtoris annos tranſiſſe videar, meque nec centum
queant ſufferre Ægyptij tam longa dicendi ſerie;
vnum tantum dicam, precans æternum; quod ſtet
alta moles felix in æuum, ſtet æterno Deo, Principi-
pibꝫ. Apoſtolorum fixum Trophæum, non fati-
ſcat atate, mortis neſcia duret in ſæcula; nullo tem-
pore finem habeat; Trinus mons tueatur, Stella ma-
tutina influat, Leo rugiens cuſtodiat, veluti Pyrum
manu potenti gerens; vt quę de Gentili Romę Am-
phitheatro dicebant laureati, hæc de Chriſtiano
prædicent Chriſtiani Romani:

Non annorum ſeries, non flamma, nec enſis,

Æternum poterit hoc abolere decus.

D I X I.